

琴齋高致有真風
山閣延賓未折中
來問死生非碌碌
爲談莊老肯怱怱
喜今可與君還往
惜昨曾留客許同
處士或將方寸比
斯人爲不殫焦桐

渾淪庵慶成

高齋忽已慶成功
赤石蒼厓入眼中
貞節由來拘世業
稚川隨處是家風
紅金櫃影書尤秘
碧玉壺清酒不空
崑閩歸期應可展
我來時欲笑歌同

仙巖寺

依然仙跡倚巖開
真館何年竟草萊
今日梵宮方得到
舊時玄鶴也飛來
一條澗水琉璃合
萬疊雲山紫翠堆
禪客夜深能共坐
滿窗明月正徘徊

道藏輯要

虛靖真君語錄

三

又翼集七

川文

汪務玄降睡有作

萬籟沉沉月滿空
一杯初勝務玄翁
金壺飲罷前村酒
玉軫閑歌太古風
羨我無眠神已爽
笑渠貪睡意何濃
回頭爲報孤雲道
清濁由來自不同

和答周提刑

試於閑處尋閑境
松竹無言綠滿秋
方外每煩勤下諭
山隅何幸偶來遊
一簾芳草庭前長
千載遺書圯上求
求得請南還樂居
此清談深感聖恩優

本竹治